

大方等本集經

第二十三

九十三  
有一



47697





大方等大集經卷第二十三

有

北涼天竺曇無讖譯

虛空目分第九

聲聞品第一



尔時世尊故在欲色二界中間大寶坊中與無量比丘僧諸大菩薩圍遶說法時舍利弗

目捷連等出家未久以舍利弗目連因緣說聲聞法雜四真諦尔時眾中有諸人輩本是外道諸根闇鈍自謂有智起大憍慢增長色慢欲慢無明慢勝慢非法慢未得第二第三第四沙門果證是故如來為如是等宣說中道為離如是惡煩惱故如來說是中道義時



如是諸人各各論說斷見我見尔時世尊即  
作是念哀哉諸人本外道故雖入佛法猶如  
大慢於未得中而生得想於未知中而生知  
想於如法中而不修行雖順四諦而不能得  
四無礙智乃至不得第四果證尔時世尊二  
手舉捉贍婆華鬘發大誓願以願力故於華  
鬘中出生四寶一帝釋寶二天光寶三金剛  
光寶四勝諸光寶一一寶中出大光明遍照  
此間娑婆世界光明出已擲之虛空時華鬘  
中說是偈言  
雖除鬚髮不去結  
被服染衣不離染  
示佛為師不隨教  
如是之人汙大眾



如來宣說正法時  
是人不得真實義  
若能覩見實法性  
若有親近善知識  
若能呵責於生死  
是人具足戒多聞

而復不能至心聽  
亦不能離諸煩惱  
是人破壞無明慢  
是人速得甘露味  
是則能得到彼岸  
亦具禪定智慧聚

若人能壞煩惱魔  
摧伏天魔諸眷屬

遠離陰魔及死魔  
常當親近無上尊

說是偈已聲聞弟子有憍慢者咸作是念如  
來知我並有汙心是故為我說如是偈即時  
心中生大慙愧及四天下佛諸弟子亦復如  
是生慙愧心於一念頃悉來集會亦時無量

百千万億聲聞大衆悉來聚集於是佛知衆  
會已定即爲宣說雜四真諦時此寶鬘直往  
南方過九万二千恒河沙等諸佛世界彼有  
世界名金剛光藏其土衆生具足五淨有佛  
世尊号金剛光明功德如來應正遍知明行  
足善逝世間解無上士調御丈夫天人師佛  
世尊亦爲四衆宣說如是雜四諦法而彼會  
中有諸菩薩聲聞四衆比丘比丘尼優婆塞  
優婆夷見是寶鬘大光明已觀察四方仰見  
寶鬘在佛頂上虛空中住即白佛言世尊如  
是寶鬘從何處來誰之所遣彼佛答言善男  
子北方去此九万二千恒河沙等諸佛世界



彼有世界名曰娑婆有佛世尊号釋迦牟尼  
如來應正遍知明行足善逝世間解無上士  
調御丈夫天人師佛世尊亦為具足五滓眾  
生宣說開示雜四諦法如我今於此土無異  
善男子彼佛世界所有眾生甚大癡闇麁穢  
輕躁生大憍慢多作惡業難調難解是故釋  
迦牟尼如來為此大集於大眾集中演說正  
法為壞如是諸大惡事彼世界中所有眾生  
於未得中而作得想於未證中而作證想於  
未修中而作修想是故彼佛欲大說法如法  
修行為壞如是大憍慢故為得盡智及無生  
智將欲宣說虛空目法行為得聲聞緣覺佛

果欲開如來無上法藏是故彼佛遣此寶鬘  
從我索欲我今與之并欲以是法目陀羅尼  
贈彼爲信能作無量微妙大明能乾一切諸  
惡煩惱能持一切所聞不忘能淨一切心之  
垢汙能護一切諸善禁戒能入一切大智慧  
中能護一切無上三昧能護己心生他喜心  
受持聖法遠離諸病所求之法如願即得增  
長一切資生所須亦能長養一切善根能調  
惡王及以四性諸惡鬼神鳥獸水虫護持一  
切諸善根本能得如來一切諸法乃至能得  
十八不共是故我今欲遣如是法目陀羅尼  
至彼世界與釋迦如來即告金剛山童子言



善男子汝可往彼娑婆世界稱我名字問訊  
彼佛金剛光明功德如來以此法目陀羅尼  
門遠贈世尊金剛山童子言世尊善哉善哉  
我亦欲往禮覲彼佛并欲啓受所未曾聞虛  
空目法門尔時復有六万億菩薩摩訶薩八  
十千億聲聞大衆同聲而言世尊我等亦欲  
詣彼世界禮覲彼佛并欲啓受所未曾聞虛  
空目法門唯願如來加我神力令得往反彼  
佛答言善哉善哉諸善男子宜知是時是金  
剛山童子者能調伏汝即是汝等善知識也尔  
時彼佛即告金剛山童子言善男子諦聽諦  
聽我當爲汝宣說如是法目陀羅尼即說呪曰

阿婆一 阿婆阿婆二 藁那地沙吒三 摩訶摩呿

四 摩訶地娑婆娑五 樹喻坂六 阿地七 那婆

那地祢八 佛闍囉絳九 安縷瀨絳十 闍囉迦

地十一 阿那耨得义十二 澆復婆十三 那婆唵婆

十四 勒义魯遮那十五 莎吒呿婆十六 陀羅尼

茂闍十七 波囉伽卓婆十八 鞞那廁十九 婆那鞞呼

二十 阿那迦地二十一 栴荼呿脩二十二 婆羅呿

多二十三 脩魯遮那二十四 魯遮那婆二十五 魯遮

地藁娑娑斯二十六 莎訶二十七

善男子汝當受持讀誦書寫是陀羅尼往彼

世界問評釋迦牟尼如來如我辭曰四部弟

子樂受法不四姓之人能供養不衆生之心



不濁亂不常能親近於如來不復能尊重讚  
歎佛不增廣流布佛正法不金剛光明功德  
如來以此法目陀羅尼門遠贈世尊能作大  
明乾燄一切諸惡煩惱乃至獲得如來十八  
不共之法時金剛山童子受持讀誦書寫如  
是陁羅尼已告諸大眾若欲往彼娑婆世界  
覲見釋迦牟尼如來并欲啓受所未曾聞虛  
空目法門者應當遠離一切色相亦莫念於  
分別之相常當修習虛空之相遠離一切取  
捨等相放捨一切塵勞等相解諸結縛專念  
虛空尔時大眾咸作是言善哉善哉善男子  
即前禮佛禮已繫念觀虛空相於一念頃即

來至此娑婆世界覲見釋迦牟尼如來頭面  
禮足供養恭敬尊重讚歎右遶三匝却在一  
面合掌而立是時寶鬘復往西方過八萬億  
諸佛世界彼有世界名曰慧闇具足五淨有  
佛世尊号曰智幢如來應正遍知明行足善  
逝世何解無上士調御丈夫大人師佛世尊  
亦爲四衆宣說如是雜四諦法彼時會中有  
諸菩薩聲聞四衆比丘比丘尼優婆塞優婆  
夷見是寶鬘大光明已觀察四方仰見寶鬘  
在佛頂上虛空中住即白佛言世尊如是寶  
鬘從何處來誰之所遣彼佛答言善男子東  
方去此八十千億諸佛世界彼有世界名曰



娑婆具足五滓有佛世尊号釋迦牟尼十号  
具足亦為四眾宣說開示雜四諦法如我今  
於此土無異乃至欲聞如來法藏是故彼佛  
遣此寶鬘從我索欲我今與之并欲贈彼淨  
目陀羅尼能作大明乾焦煩惱乃至能得如  
來十八不共之法是故我今欲遣如是淨目  
陀羅尼至彼世界贈彼如來彼佛即告勝幢  
童子汝可往彼娑婆世界稱我名字問訊彼  
佛并以如是淨目陀羅尼門遠相贈遺時彼  
眾中有無量菩薩聲聞同聲而言善哉世尊  
我等亦欲詣彼世界禮覲彼佛并欲聽受所  
未曾聞虛空曰法門乃至彼佛即說呪曰

勿力呵 一 勿力呵 二 勿力呵 三 勿力呵 四 阿

婆勿力呵 五 薩馳勿力呵 六 修婆奢勿力呵

二 那婆勿力呵 八 脩頗婆 九 阿能伽 十 松比

又 一 閣地私羅 十二 那婆噢 三十 呿伽鉢羅

叶 那囉那 調 五十 宿沙 十六 翅奢私羅 十七 阿

婆羅思羅 八十 摩訶迫 垣閣那 九十 阿那閃陀羅

十二 阿婆呿伽 一 二十 那猶多閃陀羅 二十 娑頗

囉 三 二十 阿囊伽伽 四 二十 那囉拏 五 二十 娑遮 十二

六 守留多竭婆侈那 七 二十 莎呵 八 二十

善男子汝當受持讀誦書寫是陀羅尼往彼

世界乃至一面合掌而立是時寶鬘復至北

方過九万九億諸佛世界彼有世界名曰為



常具足五淨有佛世尊号發光明功德十号  
具足亦為四眾宣說開示雜四諦法而彼會  
中有諸菩薩聲聞四眾比丘比丘尼優婆塞  
優婆夷見是寶鬘大光明已觀察四方仰見  
寶鬘在佛頂上虛空中住即白佛言世尊如  
是寶鬘從何處來誰之所遣彼佛答言善男  
子南方去此九万九億諸佛世界彼有世界  
名曰娑婆具足五淨有佛世尊号釋迦牟尼  
十号具足亦為四眾宣說開示雜四諦法如  
我今於此土無異乃至欲開如來法藏是故  
遣此四寶華鬘從我索欲我今與之并欲贈  
彼光目陀羅尼能作大明乾焦煩惱乃至能

得如來十八不共之法是故我今欲遣如是  
光目陀羅尼至彼世界贈彼如來彼佛即告  
勝意童子善男子汝可往彼娑婆世界稱我  
名字問評彼佛以是光目陀羅尼遠相贈遺  
時彼眾中復有無量菩薩聲聞同聲而言善  
哉世尊我等亦欲詣彼世界禮觀彼佛并欲啓

受所未曾聞虛空目法門乃至彼佛即說呪曰

闍婆摩一 闍婆摩二 闍婆摩三 阿駒盧吒四

比婆闍婆五 摩訶陀摩呿婆六 阿囉闍七 珊

菩施八 囊呿婆九 阿囉闍婆十 囉闍婆十一

一闍垢叉地婆十二 摩醯闍婆十三 比半遮婆十四 那囉地拏婆十五 所啾婆十六

比半遮婆十四 那囉地拏婆十五 所啾婆十六



唵六十輸盧多唵唵七十輸盧多唵唵八十伽恨拏

唵九十嗜貺唵唵十二迦地唵唵二十質多唵

唵二十娑茂陀囉唵唵三十鞞囉拏唵唵十二

四叱那脩留垓唵唵五莎呵二十

善男子汝當受持讀誦書寫是陀羅尼徃彼

世界乃至一面合掌而立是時寶鬘復至東

方去此六万千億佛土彼有世界名曰寶頂

具足五滓有佛号曰寶盖光明功德十号具

足亦為四眾宣說開示雜四諦法而彼會中

有諸菩薩聲聞四眾比丘比丘尼優婆塞優

婆夷見是寶鬘大光明已觀察四方仰見寶

鬘在佛頂上虛空中住即白佛言如是寶鬘

從何處來誰之所遣彼佛荅言西方去此六  
萬千億諸佛世界彼有世界名曰娑婆具足  
五淨有佛世尊号釋迦牟尼十号具足亦爲  
四衆宣說開示雜四諦法如我今於此土無  
異乃至欲開如來法藏是故遣此四寶華鬘  
從我索欲我今與之并欲贈彼聖目陀羅尼  
能作大明乾焦煩惱乃至能得如來十八不  
共之法是故我今欲遣如是聖目陀羅尼至  
彼世界贈彼如來即告虛空聲童子善男子  
汝可往彼娑婆世界稱我名字問評彼佛并  
以如是聖目陀羅尼遠相贈遣乃至復有無  
量菩薩聲聞大衆同音而言善哉世尊我等



亦欲詣彼世界禮覲彼佛并欲啓受所未曾  
聞虛空目法門乃至彼佛即說呪曰

阿羅摩 一 阿羅摩 二 阿羅摩 三 闍地囉闍 四

守犁地囉闍 五 伽闍呼 六 婆囉闍羅 七 阿那

遮 八 阿呿莎囉 九 呿伽莎闍那 十 那烏呵 十一

那囉地那烏呵 十二 摩醯濕波羅遮摩 十三 阿

摩眊呵 十四 地婆利羅 十五 斫唎遮摩 十六 斫

唎娑斫唎那 十七 那婆那婆摩闍 十八 阿婆呿

婆 十九 車婆那婆 二十 呿伽禪縷 二十一 娑囉旃陀

囉 二十二 摩醯濕波羅眊羅那婆 二十三 娑檀摩

叉地 二十四 莎呵 二十五

善男子汝當受持讀誦書寫是陀羅尼往彼

世界乃至一。面合掌而立時。四童子變此世  
界地平如掌。香華幡蓋七寶具足。為供養佛。  
一切天宮阿脩羅宮。悉為振動。諸天悅豫。多  
受喜樂。咸以香華七寶幡蓋種種伎樂供養。  
於佛時。四童子作如是等供養。佛已上昇虛  
空。七多羅樹各執四寶。說偈讚歎。

佛是清淨大明王  
於諸衆生心如地  
為衆生說清淨法  
如來心等如虛空  
具足戒禁及智慧  
為渴法者出惡世

為諸衆生說甘露  
大寶商主愍一切  
令離諸苦及煩惱  
其語微妙知真道  
永滅煩惱降甘露  
智炬大明能壞闇



雖無修習八聖道

及以證得解脫者

如來猶故生憐愍

施諸人天淨法眼

能度衆生生死岸

能施無上七財寶

能令衆生悔生死

具修三十七道品

法寶久失佛今示

是故得名無上尊

四方衆生已大集

唯願憐愍轉法輪

尔時一切無量大衆心生歡喜各作是言如是無量無邊衆生從何處來威儀清淨具無量德慙愧善慧皆悉成就我從昔來未曾覩見如是妙色五通大仙尔時世尊告憍陳如比丘憍陳如四方多有無量菩薩悉來集會爲聽法故今當至心清淨其意尔時世尊以

微妙音告四童子諸善男子善來甚使從何  
方面何故而來時四童子敬禮佛足周而圍  
遶尔時金剛山童子言世尊南方去此九万  
二千恒河沙等諸佛世界彼有世界名金剛  
光藏具足五淨有佛世尊号金剛光明功德  
如來十号具足今現在爲諸衆生宣說開示  
雜四諦法彼佛勸我至此世界問許世尊并  
欲聽受虛空目法門世尊彼金剛光明功德  
如來致敬慇懃問許世尊并遣如是陀羅尼  
能作光明乾焦煩惱乃至能得如來十八不  
共之法即於佛前說如是呪乃至四童子亦  
復如是說是呪已其地即時六種振動一切龍



王各作是言。我等亦當共至佛所。爾時東方有二龍王。一名牛護。二名寶護。是二龍王與六萬龍王。南方亦二。一名爲月。二名婆脩。與七萬龍來。至佛所。頭面敬禮。前白佛言。世尊。我等皆能受持讀誦。書寫如是法目陀羅尼。若有比丘比丘尼。優婆塞。優婆夷。受持讀誦。書寫如是法目陀羅尼者。我等皆當誠心守護。西北二方亦復如是。爾時世界一一各有十萬龍王。來至佛所。頭面禮敬。爾時龜茲國土有一龍王。名曰海德。是阿那婆達多龍王弟。與九萬龍王于闐國土有一龍王。名樂藏。寶亦是阿那婆達多龍王弟。與萬八千龍王。

波羅越國有一龍王名曰山德亦是阿那婆  
達多龍王弟與二萬龍王師子國土有一龍  
王名曰寶藏與四萬八千龍王毗荼國土有  
一龍王名曰長髮與四萬二千龍王念蜜奢  
山有一龍王名曰婆脩吉與八千龍王烏長  
國土有一龍王名阿鉢羅羅與二萬五千龍  
王軋陀羅國有一龍王名伊羅鉢多與三萬  
龍王真丹國土有一龍王名曰三角與萬八  
千龍王難陀龍王優婆難陀龍王亦與無量  
龍王共至佛所頭面敬禮白佛言世尊我等  
皆能受持讀誦書寫如是陀羅尼門乃至不  
忘不失一字佛言善哉善哉善男子汝等真



實能護正法。今時世尊告正語天女。天女汝能守護我正法。不世尊我當守護。有受持者隨其所須。我當與之。若復有欲見我身者。我當現之。世尊。若有比丘比丘尼。優婆塞。優婆夷。欲見我者。當淨其身。持戒精進。於一日中。三時洗浴。斷食三日。獨在靜處。若佛像邊。若在

塔內。若處靜室。以妙香華種種幡蓋及諸味漿供養於佛面。正東向讀如是呪。

娑吒置 一 娑吒置 二 休婁 三 休婁 四 屯豆婁

五 屯豆婁 六 呿吒 七 呿吒 八 比縈呵

既說呪已。我便當來隨諸四衆之所願求。我悉當令一切成就。若我不來。即為欺誑。十方

諸佛亦莫令我成阿耨多羅三藐三菩提。爾時佛告羅睺阿脩羅王毗摩質多阿脩羅王毗樓遮那阿脩羅王我今以此淨白陁羅尼付囑汝等何以故汝有大力若有衆生不信三寶能令信故諸阿脩羅王言善哉世尊我當護持若有四衆比丘比丘尼優婆塞優婆夷若佛在世若滅度後受持讀誦書寫廣說是陀羅尼我於是等能施八事何等爲八一者捷行二者樂聽受法三者心無怖畏四者常明無闇五者善願具足六者解脫七者具足辯才八者善法增長世尊若阿脩羅父母兄弟妻子眷屬惱是人者我等當治若我等



於此世界中不護佛法者則爲欺誑十方諸佛  
今時世尊觀四衆已告憍陳如比丘憍陳如  
一切大衆甚樂聞法無量世界無量衆生悉  
爲法故來集於此咸皆欲知法行方便成大  
智慧遠離貪欲一切煩惱真實了知法行方  
便時憍陳如白佛言善哉世尊誠如聖教世  
尊四方世界無量菩薩悉持四佛所與欲來  
并欲啓受虛空目法行今正是時唯垂憐愍  
爲衆生故而宣說之世尊所言法行法行比  
丘云何名爲法行比丘唯願世尊分別演說  
法行比丘佛言憍陳如至心諦聽當爲汝說  
若有比丘讀誦如來十二部經謂脩多羅乃

至優波提舍是名樂讀不名法行復有比丘  
讀誦如來十二部經樂爲四衆敷揚廣說是  
名樂說不名法行復有比丘讀誦如來十二  
部經能廣演說思惟其義是名思惟不名法  
行復有比丘受持讀誦十二部經演說思惟  
觀其義理是名樂觀不名法行憍陳如若  
有比丘能觀身心心不貪著外一切相謙虛下  
意不生憍慢不以愛水溉灌業田亦不於中  
種識種子滅覺觀心境界都息永離煩惱其  
心寂靜如是比丘我則說之名爲法行如是  
比丘若欲獲得聲聞菩提緣覺菩提如來菩  
提即能得之憍陳如如工陶師埏埴調泥置



之輪上隨意成器法行比丘亦復如是憍陳  
如若有的比丘修法行者當觀三事一者身二  
者受三者心觀三事已得二種智一者盡智  
二無生智憍陳如云何盡智云何無生智智  
盡煩惱名為盡智智盡有枝名無生智復次  
無行行智名曰盡智無行果智名無生智盡諸  
使智名曰盡智盡煩惱智名無生智復次智  
盡諸行名曰盡智盡一切有名無生智分別  
盡物是名盡智知諸縛解名無生智知盡根  
界名曰盡智知盡緣界名無生智不覺觀煩  
惱名曰盡智不覺觀果報名無生智復次盡  
三地智名曰盡智盡一切漏名無生智復次

我生已盡梵行清淨名曰盡智更無餘有名  
無生智如是二智即名一智亦名一行知於  
三道若有比丘能斷三道是名法行能作是  
觀是觀心受云何比丘能觀察身若有比丘  
觀息入出是名觀身觀受觀心云何名為觀  
息入出息入出者名阿那婆那入名阿那出  
名婆那觀於出入如門如向若有比丘能如  
是觀是名法行若有比丘能學能數隨息出  
入冷暖長短若遍滿身繫心鼻端能觀新故  
分別諸相能觀生壞求舍摩他善入於定亦  
能觀察息之麤細乃至觀於內身身作身想  
是名比丘修於法行憍陳如修數息時獲得



二事一者離惡覺觀二者觀息相貌修習隨  
時亦得二事一者專念念心二者離善覺觀  
觀於冷暖亦得二事一者分別出入二者觀  
心數相修觀身時亦得二事一者身輕二者  
心輕轉觀生滅亦得二事一者知一切法是  
無常相二者知一切法は無樂相善男子法  
行比丘念出入息繫心一處云何數減二數  
爲一三數爲二乃至十數爲九是名數減云  
何數增一數爲二乃至九數爲十是名數增  
何故修數壞一切覺觀故得初禪時觀息出  
入及以心相初禪五枝一覺二觀三離生喜  
四者受樂五者定具五枝時離貪恚癡若有

比丘具是五技是名法行遠離五事成就五  
事修習梵行成大功德憍陳如若比丘能  
得二禪名爲法行若比丘觀息出入繫心一  
處遠離喜樂得第四禪不喜不樂何以故一  
心繫念息出入已遠離喜樂得第四禪若有  
比丘觀息出入則觀五陰若觀五陰是名法  
行若比丘見一切法行生滅乃至見一切煩  
惱生滅是名如法忍若比丘見眼空乃至見  
意識空是名空忍若比丘見眼無相乃至見  
意識無相是名無相忍若比丘不願於眼乃  
至意識是名無願忍若比丘觀苦異樂異不  
苦不樂異是名中諦忍若爲衆生行於生死



如是名爲隨上諦忍云何隨根隨力隨於覺  
觀乃至隨涅槃於如是法心不著者是名信  
忍是名爲信不名信根若攝身心不令造惡  
是爲精進不名進根若能專念如是等法是  
名爲念不名念根心心數法能繫一緣是名  
爲定不名定根若能不觀如是等相是名爲  
慧不名慧根若觀如是無根是名法行憍陳  
如若比丘觀於頂法世第一法觀三解脫  
空無相願無常苦空是名法行是名空三昧  
如是三昧緣無壽命緣無自在無相三昧緣  
盡緣壞緣滅緣厭無願三昧緣於甘露非甘  
露行有甘露行非緣甘露有空三昧緣於甘

露非甘露行有甘露行非緣甘露無相三昧  
緣於甘露非甘露行有甘露行非緣甘露憍  
陳如若若有比丘緣慧滅在嚴入無願三昧是  
名緣於甘露非甘露行若有比丘緣慧滅而  
得解脫名曰甘露行非緣甘露空與無相亦  
復如是憍陳如若若有比丘能如是觀是名法  
行憍陳如若若有比丘觀受觀心是名法行何  
以故能壞我見二十種故憍陳如斷見我見  
各有五種色斷乃至識斷是名五斷見色我  
乃至識我是名五我見憍陳如五種斷見分  
別則有四十四種十六種說想八說無想八  
說非想非非想六說種種想六種說斷是名



四十四五種我見分別十八四定說我四種  
說邊四說異事六說無求三昧是名六十二  
見二十我見因緣能生四百四種煩惱為離  
如是諸煩惱故觀於身心是名法行如是比  
丘能觀身心憍陳如云何八人云何決定憍  
陳如斷見之人言一念斷常見之人言八忍  
斷是二種人俱得決定後離煩惱亦俱無妨  
憍陳如能得八忍是名八人得十六心是名  
決定是名如法憍陳如若若有比丘成出入息  
即得八人亦名決定憍陳如若若有比丘成就  
數息即得信根乃至慧根若得五根即得世  
間第一法如是比丘能破一切疑網之心是

名真實修習聖行若有比丘成就集智則斷  
十種煩惱是名修初無漏心觀尔時次第觀  
無願三昧觀無願時修三十七助道之法是  
名無漏定智得苦法忍苦法智集法忍集法  
智尔時觀於色界五陰無色界四陰如欲界  
苦色無色界亦復如是如是觀已斷色無色  
十八種煩惱十八斷已作是思惟如是諸苦  
從何處來誰之所造作是觀已了知是苦從  
愛因緣我若不拔如是愛根必當生苦是故  
觀集作是觀已斷七煩惱觀欲界集已色無  
色界亦復如是如是觀已得比忍比智作是  
觀時斷十二煩惱憍陳如具八忍者是名八



忍法斷三界集已復作是觀何因緣故斷於  
苦集爲安樂故夫安樂者即是滅諦亦時初  
觀欲界滅諦得滅法忍斷七煩惱色無色界  
亦復如是作是觀已得滅比忍滅十二煩惱  
復作是觀何因緣故得是七忍因修七道以八  
正道力故知欲界苦集滅諦色無色界苦集  
滅諦亦時次生道法忍得已能斷八種煩惱  
亦時復觀色無色界得道比忍斷十四煩惱  
以修習故遠離八十八種煩惱是名決定得  
須陀洹果是名十六心是名必得菩提是名  
七往來斷一切苦惱陳如有人從信決定有  
人從法決定有人一生得須陀洹果乃至得

阿羅漢有人入信根乃至慧根有人修定有  
人修慧有人得初禪乃至四禪得入決定觀  
一切行無常次第生滅遠離一切凡夫之法  
有人觀一切行無常苦空不淨不得自在無  
有寂靜從緣而生從緣而滅作是觀已得寂  
靜滅諦是名比丘如法而行憍陳如如來了  
知一切衆生諸根利鈍亦知一切衆生心性  
諸煩惱性是故如來隨應衆生而爲說法隨  
諸煩惱宣說對治是故得名薩婆若智憍陳  
如我涅槃後有諸弟子受持如來十二部經  
書寫讀誦顛倒解義顛倒宣說以倒解說覆  
隱法藏以覆法故名曇摩耇多憍陳如我涅



槃後我諸弟子受持如來十二部經讀誦書  
寫而復讀誦書說外典受持三世及以內外  
破壞外道善能論義說一切性悉得受戒凡  
所問難悉能答對是故名爲薩婆若帝婆憍  
陳如我涅槃後我諸弟子受持如來十二部  
經書寫讀誦說無有我及以受者轉諸煩惱  
猶如死屍是故名爲迦葉毗部憍陳如我涅  
槃後我諸弟子受持如來十二部經讀誦書  
寫不作地相水火風相虛空識相是故名爲  
彌沙塞部憍陳如我涅槃後我諸弟子受持  
如來十二部經讀誦書寫皆說有我不說空  
相猶如小兒是故名爲婆蹉富羅憍陳如我

涅槃後我諸弟子受持如來十二部經讀誦  
書寫廣博遍覽五部經書是故名爲摩訶僧  
祇善男子如是五部雖各別異而皆不妨諸  
佛法界及大涅槃云何名爲隨於信行若信  
三寶具足信根從信因緣入於決定得須陁  
洹果斯陁含果阿那含果過色無色界得阿  
羅漢果從信得解名信解脫亦名一分亦名  
身證名慧解脫是名隨信行憍陳如云何名  
爲隨於法行若有從法入於決定具足慧根  
得須陁洹果斯陁含果阿那含果過色無色  
界得阿羅漢果是名見到二分解脫亦名身  
證慧得解脫心得解脫得滅盡定是故名爲



二分解脫是名無學解脫是名法行是名成就身身觀乃至成就法法觀是名成就毗婆舍那及舍摩他云何名為舍摩他舍摩他者名之為滅能滅貪心瞋心亂心名舍摩他去何名為舍摩他相能滅貪相及瞋癡相名舍摩他相云何名為隨舍摩他入於決定若能隨修舍摩他行尊重讚歎向舍摩他方便莊嚴是則名為舍摩他相若有比丘深自思惟我之貪心唯觀不淨乃能壞之瞋恚之心慈能壞之十二因緣能壞愚癡是名舍摩他相云何名為毗婆舍那若修聖慧能觀五陰次第生滅是名毗婆舍那復次若觀諸法皆如

法性實性實相真實了知是名毗婆舍那云  
何名為毗婆舍那相若能成就具足念心觀  
一切行從緣而生從緣而滅一切行無自在  
無作無受是名毗婆舍那相云何名為從毗  
婆舍那入於決定至心念於毗婆舍那恭敬  
尊重向莊嚴道是名從於毗婆舍那入於決  
定云何名為出法攝心非滅法攝心若比丘  
能觀心出因緣乃至一切行出因緣是名出  
法攝心非滅法攝心云何名為滅法攝心非  
出法攝心若比丘能深觀察滅心因緣乃至  
一切行滅因緣是名滅法攝心非出法攝心  
云何名非出法攝心非滅法攝心若比丘能



觀心性眼性乃至識性是名非出法攝心非  
滅法攝心云何緣攝心非思惟攝心若比丘  
能觀出息不觀入息是名緣攝心非思惟攝  
心云何名爲思惟攝心非緣攝心若比丘觀  
於入息不觀出息是名思惟攝心非緣攝心  
云何名爲非緣攝心非思惟攝心若比丘觀於  
心性眼性乃至意性是名非因緣攝非思惟  
攝憍陳如若比丘能攝心者則得八十諸三  
昧門及修三解脫若比丘觀過去身及修莊  
嚴觀身見身是名修無願解脫門若比丘觀  
過去身已唯見於心而不見身及修莊嚴觀  
身見身是名修無相解脫門若比丘觀過去

身已亦不見作及以作者作者無身身無作  
者修莊嚴道觀身見身是名修空解脫門受  
心法亦如是復次憍陳如三解脫門修莊嚴  
觀觀一切行不出不滅出已則滅滅無所至  
不至去來是名莊嚴無願解脫門復次觀未  
來世諸行未出若行未出則無有滅是名莊  
嚴無願解脫門不畢竟盡畢竟盡者則無生  
滅若無生滅即畢竟盡若畢竟盡即空因緣  
若如是觀畢竟盡者是名莊嚴空解脫門若  
觀諸行是畢竟盡即無生滅若無生滅即無  
有空何以故先有後無名之爲空若本無者  
則無後無若無後無云何名空若無行者即



是無爲畢竟盡者非是有爲亦非無爲空亦  
非行亦非無行是故畢竟盡者非有爲攝非  
無爲攝是名狂嚴無相解脫門若一切行畢竟  
盡者即是涅槃非是過去未來現在是故非  
過去行滅名爲涅槃非未來現在行滅名爲  
涅槃須陀洹人見是涅槃乃至阿羅漢人見

是涅槃云何名苦諦觀一切行不見第一諦  
觀一切因不見第二諦觀一切滅不見第三  
諦觀一切道不見第四諦云何名生本無後  
有是名爲生云何名滅有已還無是名爲滅  
無有出滅是名爲盡何因緣故無有出滅名  
之爲道道有六行修非修行非行知非知若

有比丘能見如是生滅法者是人能厭一切  
諸行能見一切行無常相云何無常相非無  
常法若有相雜初無漏相行若有相雜無願  
解脫門行若有空相苦相不淨相無我相是  
名無常相非無常法云何無常法非無常相  
所謂三界色相乃至法相是名倒相是名捨相  
非無常相是名無常法非無常相云何無常  
相亦無常法所謂一切衆生未得決定以世  
俗道入諸三昧隨法相忍是名無常相亦無  
常法云何非無常相非無常法所謂寂靜常  
相解脫淨相是名非無常相非無常法云何  
名爲得第一諦所謂觀於六根五陰猶如鏡



像名得第一諦云何一心觀於四諦若觀諸  
行悉是苦因以苦因故可見可滅可得遠離  
如是名爲心緣無漏是故一心獲得四諦名  
離有漏心得解脫若有比丘觀於心心是名  
無願解脫門觀心心已觀十二事一者業二  
者行三者苦四者空五者壞六者不自在七  
者過去八者現在九者未來十者因緣十一  
者無作十二者無受是名見於心心名無願  
空解脫門解脫門若有比丘觀察是心無有  
心生無出入者能遠離無可遠離是名見於  
心心得空解脫門若觀無有入定之者而得  
遠離一切煩惱無因緣故煩惱不生是名遠

離見於心心得無相解脫門若如是觀即得  
遠離有漏之心得無漏解脫憍陳如一切有  
為諸行無有決定若不定者云何而得入於  
定聚若言觀察於三世已得入定聚者是義不  
然何以故過去已盡未來未出現在無常三  
世觀異云何得入正定聚耶是故一切異觀  
性不決定憍陳如譬如殿堂有四梯橙若言  
不由初第一橙至四橙者無有是處登初橙  
時亦不得名登第四已如是四橙亦不名一  
憍陳如若是四諦即一諦者可一心得憍陳  
如觀時亦異得時亦異觀時異者因果盡壞  
得時異者苦智集智滅智道智若有比丘觀



行無常是苦無我不淨無住是漏結緣是一切有是名繫縛是故不求諸陰諸行猷一切行樂求涅槃至心思惟涅槃功德深樂寂靜不惜身命修舍摩他毗婆舍那是名比丘修習法行憍陳如云何比丘心能見心若有比丘能觀察心心是無常是生滅法是名比丘心能見心如比丘修空三昧云何名空陰入界空諦空實空十二因緣空性空云何陰空所謂色空無我我所乃至識空無我我所是名陰空入界二空亦復如是云何諦空所謂苦諦無得無捨乃至道諦亦復如是云何實空一切法中無有覺觀我及我所是名實

空云何十二因緣空十二因緣卽是十二有  
枝觀十二枝無我我所是名十二因緣空云  
何性空若有比丘觀於眼空無我我所乃至  
意空亦復如是是名法行能觀心心如是比  
丘不見衆生命夫某甲知諸法性真解世諦  
爲流布故說陰入界知一切法性無出滅如  
是比丘能度生死能知一切苦集滅道能斷  
煩惱憍陳如若若有比丘修習法行知一切法  
從因緣生從因緣滅如是比丘得三解脫知  
色真相色真相者所謂礙相受受相想覺相  
行行相識知相是名真知一切法相如是觀  
已得空解脫門見一切法無作者受者壽命



自在唯見無常苦無我等是名得無願解脫  
門觀一切法無生無滅是名得無相解脫門  
憍陳如法行比丘能得神通無惡覺觀口終  
不說四種惡過無有鬪諍不聽惡言今時則  
得遠離五蓋增五善根是名法行比丘獲得  
初禪入初禪已欲得身通繫心鼻端觀息出  
入深見九万九千毛孔息之出入見身悉空  
乃至四大亦復如是如是觀已遠離色相獲  
得神通乃至四禪亦復如是云何法行比丘  
獲得眼通憍陳如若比丘觀息出入真實  
見色既見色已作是思惟如我所見三世諸  
色意欲得見隨意即見乃至四禪亦復如是

云何法行比丘得天耳通憍陳如若比丘  
得初禪時觀息出入觀息出入已次第觀聲  
乃至四禪亦復如是云何法行比丘得他心  
智若有比丘觀息出入得初禪時修舍摩他  
毗婆舍那是名他心智乃至四禪亦復如是  
云何法行比丘得宿命智憍陳如若比丘  
觀息出入得初禪時獲得眼通得眼通已觀  
於初有歌羅羅時乃至五陰生滅無量劫中  
五陰生滅乃至四禪亦復如是所言禪者何  
故名禪疾故名禪疾大疾住大住靜寂靜觀  
滅遠離是名為禪初禪者亦名具足亦名遠  
離云何具足云何遠離言遠離者遠離五蓋



言具足者具足五枝所謂覺觀喜安定云何  
名覺如心覺大覺思惟大思惟觀於心性  
名爲覺云何名觀若觀心行大行遍行隨  
意是名爲觀云何名喜如真實知大知心動至  
心是名爲喜云何爲安所謂身安心安受安  
受於樂觸是名爲安云何爲定若心住大住  
不乱於緣不謬無有顛倒是名爲定第二禪  
者同離五事所謂五蓋具足三枝一喜二安  
三定入第三禪亦離五事具足五枝一者念  
二者捨三者慧四者安五者定入第四禪亦  
離五事具足四枝一者念二者捨三者不苦  
不樂四者定憍陳如若比丘具足四禪是

名法行憍陳如若有比丘觀身馱患遠離身  
相一切身觸喜觸樂觸分別色陰遠離色陰  
觀無量空處是名法行比丘入空處定是名  
比丘修習法行憍陳如云何比丘得識處定  
若有比丘修舍摩他毗婆舍那觀心意識自  
知此身不受三受已得遠離是三受是故  
名為得識處定是名法行憍陳如云何比丘  
得少處定若有比丘觀三世空知一切法行亦  
生亦滅空處識處亦生亦滅作是觀已次第  
觀識我今觀識亦非識非非識若非識者是  
名寂靜我今云何永斷此識作是觀已得少  
識處是名比丘得少處定憍陳如云何比丘



獲得非想非非想定憍陳如若比丘有非  
心想作是思惟我今此想是苦是漏是瘡是  
癰是不寂靜若我能斷如是非想及非非想  
是名寂靜若有比丘能斷如是非想非非想  
是名獲得無相解脫門何以故法行比丘作  
是思惟若有受想若有識想若有觸想若有  
空若有識若有非想非非想如是等想名為  
麤想我今若修無相三昧則能永斷如是等  
想是故見於非想非非想爲寂靜處如是見  
已入非想非非想定若得非想非非想定已  
不愛不貪能破無明破無明已名為獲得阿羅  
漢果前三種定二道所斷後第四定終不可

以世俗道斷凡夫雖於非想非非想處無鹿  
煩惱亦有十法所謂一受二想三行四觸五  
思六欲七解八念九定十慧云何為受所謂  
識受云何為想所謂識想云何為行所謂法  
行云何為觸所謂意觸云何為思所謂法思  
云何為欲所謂欲入出定云何為解所謂法  
解云何為念所謂念三昧云何為定所謂心如  
法住云何為慧所謂慧根慧力觀向四果行  
乃至得阿羅漢果觀於生滅及空三昧觀於  
四大如四毒蛇如是十法第四空處具足而  
有以其無有鹿煩惱故一切凡夫謂是涅槃  
憍陳如若有人比丘修習聖道厭離四禪及四



空處觀於滅定莊嚴之道作是思惟諸出入  
息悉是無常我若能斷出入息者即是安樂  
是故一切諸行因緣悉滅受滅乃至慧滅覺  
觀滅故陰入界滅貪恚癡滅一切心數法滅  
一切非心數法亦滅是名不與凡夫共法非  
是世法は無學法憍陳如若須陀洹斯陀含  
終不能得如是滅定若次第得須陀洹果亦  
不能得若須陀洹捨是身已得羅漢果亦不  
能得若有具足八解脫者是人乃得憍陳如  
若使如來窮劫盡劫說是法目陀羅尼法乃  
能窮盡是名法無礙智憍陳如如是法目陀  
羅尼者不可思議憍陳如假使有人能以兔

毛數知海水不能數知法目陀羅尼所有功德若除如來欲說盡者無有是處乃至一切娑婆世界微塵亦尔尔時世尊告金剛山童子言善男子汝所持來法目陀羅尼與今所說頗有異不不也世尊善男子如是說不世尊實如是說善男子若有人能受持此法讀誦書寫廣為人說當知是人常為一切人天龍神阿脩羅軋閻婆迦樓羅緊那羅摩睺羅伽等之所守護一切四魔不得其便度煩惱河入八正道金剛山童子言善哉世尊實如聖教尔時世尊告憍陳如若比丘比丘尼優婆塞優婆夷修行是法無能壞者是名施光



能淨寂靜無有行處無濁無動無有舍宅無  
少無多名至處行細行堅行能壞四魔及四  
魔衆一切邪見度生死河入智慧海常爲諸  
聖之所讚歎得近如來所坐之處雖復未斷  
一切煩惱亦得上身無上菩提上色上力上  
辯上念上慧上處或得典領作四域王若三  
二一若作帝釋乃至得作他化自在王若作  
梵王若復獲得菩提樹下金剛之床梵音深  
遠其心平等得大悲心得舍摩他壞諸煩惱  
名無上尊說是法時舍利弗目犍連等於一  
坐處得阿羅漢果尔時一切世人諸天而讚  
歎言如來功德不可思議無量衆生得須陁

洹果斯陔含果阿那含果阿羅漢果發阿耨  
 多羅三藐三菩提心尔時四天王及功德天  
 白佛言世尊隨是經典所流布處我當護其  
 四部弟子及其國土城邑村聚諸王人民

大方等大集經卷第二十三

有

闇鈍

下徒因反

昧愚鈍也

華鬘

下莫反

頌

時領反

也反

五滓

下側史也

鹿獷

下俱猛反

踪蹠

二同

則到反

也反

訖評

音信問也

娑

上聲又

藁

而羊

去

丘也反

音他

音音

称

乃礼

縷

吕主反

瀨

賴音

菟

反收

唵

音卓

廁

反初

呼

由音

反咩

反免尔

贈遺

反下

龜

反多也

松

音疑

音他

音音

茶

音卓

使

反初

呼

由音



遲一  
奧  
上  
於  
六  
反  
調  
田  
檢  
反  
又  
翅  
施  
智  
閃

青底  
拏  
下  
女  
咸  
反  
珊  
蘇  
干  
廉  
反  
呼  
兮  
啾  
子  
由

反  
力  
向  
嗜  
貺  
視  
况  
輒  
紀  
力  
吐  
昌  
吉  
眈  
反  
日  
于


寘  
下  
音  
田  
婁  
樓  
音  
滌  
蘇  
何  
治  
理  
音  
持  
既  
灌  
反  
上  
古  
音  
愛

貫燒  
陶  
師  
上  
音  
桃  
燒  
挺  
埴  
上  
詩  
然  
反  
柔  
也  
渠  
也

冷  
暖  
音  
娑  
若  
下  
此  
去  
一  
切  
智  
瓠  
多  
反  
上  
渠  
六

婆  
下  
反  
檇  
橙  
上  
湯  
兮  
反  
下  
都  
鄧  
謬  
虛  
幼  
反

菟  
字  
兔



猪飼順良寄附



